

خجل التوت

شعر
أحمد توفيق



مهرجان القراءة للجميع ٢٠٠٣

مكتبة الأسرة

برعاية السيدة سوزان مبارك

(سلسلة إبداع الشباب)

إشراف: د. سهير المصادفة

الجهات المشاركة :

جمعية الرعاية المتكاملة المركزية

وزارة الثقافة

وزارة الإعلام

وزارة التربية والتعليم

وزارة التنمية المحلية

وزارة الشباب

التنفيذ : هيئة الكتاب

خجل القوت

شعر: أحمد توفيق

تصميم الغلاف

والإشراف الفني:

للفنان : محمود الهندي

الإخراج الفني والتنفيذ:

صبرى عبدالواحد

الإشراف الطباعي:

محمود عبدالمجيد

المشرف العام :

د. سمير سرحان

الإهداء

منى لسلوى..

الملاك الجميل..

يا هل ترى

بعد شوية سنين

الإهداء ده هيكون من مين

لمين؟

أحمد توفيق

خجل التوت

القسم الأول
دواير

7

المشربيه

○ القمر قَطَرُ عناقيد المطر

المشربيه انسر سبت

تشبك شبابيك الجيران

شجره بتفرد حجرها المليون عيال

للبنات المشتبهه

الثلج بيشق القزاز

بنوته تكشف صدرها للريح

ينكشها الهوا

تتكشش

يتزحلق الريح من ضفاير شعرها السايب عجوز
يشكى شكوته لليل مدد
تطلع تخش من البراح المنتشى
لافه ملاية كسمها من وسطها الملفف كون
والمدى كائن بتتمدد فى عينه المشربيه وتحتويه .

●

النخله

○ النخل واقف ع البيوت

بيخلف الخلفه ونس

الريح ترش السبايط

تنهز فترخ الشراميح البنات

تشرق ببشلق من شقوق المسطبات الخوف خرس

يشق ودين الريف خريف

عرافه بتشد الجدع

اشهق يكش الوش المستخبى فى الودع

لكن دماغ البحر ساقط من تابوت

ملثف من كل الخوالى الخلق موت
مرصود على صدور الجبابين القُب
دايرة شخوص متخشبه
تخش جيب البحر من حجر السما عفاريت
- عفريت بيخلق من تخاريف المذله النيل سراب
- عفريت بيخلا من الخلا للأرض نخله
تلفح جرايدها السعف
متوغله وسط الغيطان .

●

الليل

○ الليل فرد غنوته

بطن الغيطان جنيّه

دخان غفير خفيان

خيال الضل فلاح

خايف يلم الكوفيه في عب الجلابيه

النخل والخوف الصديق

متريص البحر الغميق

الغيم طريق متغمى بدموع القمر

هزلان وماشى خريف
من بين صنيف لصنيف
بيغنى صوت الألم البرد والمسطاح
يا توته ليل القلق وسع الخلا طافف
طقطقت لوح الرخام شف الهوا شافف
أنا اللى قلبى اتملى من عفة العافف
دويت موج البراح ولاكننش الملاح
خش الغريب البوح البحر منديله
لا لاقى حد يونسه ولا حد يبكى له

زاح السما للأرض جنيّه
ليل رخام، توب الحداد مسدول على الميه
عاشق حزين القلب فلاح
خايف يلم الكوفيه فى عب الجلابيه.

●

تراويل

١ - الشيش مكشوف

البحر فسحاياه وجدار محدوف

ماهوش قمر

ولا هجر ليل بيلم جوّه القلب خوف

ماهوش نبى

ولانيش شيطان خواف

يا بحر عيل ضحكك أصداف

خلينى أخش ف دنيتك وأشوف

(١)

شبابيك الريح إنسان

شرقان الفرع المائل على صدر الرمان

يلم يهش الهوا على وشى أشيط

لاسفلت غويط

مشدود لهنالك

للبنيت القمحي اللي بتشبهني

أنكش طرحتها الليل نتلف

تهف حواف الشباك

ويتنفض شراميح النخل في حجرى

تجرى أجرى

تتوه أتلم

أخض دماغى المريميل

يفغويلى الجن

أخبى القمره ف عبي وأنام

(٢)

النخل حويط

خجلان التوت

كل ما أمد إيديه لعنقود بيموت
بنات الجن تخش تسبب الصورة للبنت الأمور
يتكب الصدر الفرط جنان
يتهوَسُ الواد الخام يدخلها
وهي بتطوى السكه مع الأتوبيس وتمر

20

٢ - الشيش متوارب:

الليل عقارب
الرغبه جوف الزقاق

الأرصفه وحيطان البيوت القديمه

عيال بتتكفن عيونها

وعيال بتهرب للمدينه...

(٣)

الأرض دروب وعبوب

21

تنفد من عين البحر القمره بتحلب موج النيل سرسوب

وأنا طفل بيدبل سعه بسعه مع الأتوبيس ويدوب

تحدفنى بنات البندر للشارع همدان أنعس وأبان

درويش بيهفه الكيف ويعف

- العجلة تخف

الموج يتشد عروق بترف أمان

في عيون البنات المحبوسه في عب الدكان

بتداوى جروح الفستان

- العجلة نقش... الريح بتخش

تشوف السكة بألفين وش

بنات الجن تكش.. تكش

في عيون الولد المتعبى المتعري من سعف النخل وطين
الأرض.

(٤)

المطره بتمسح وش الشيش إن شف باشف

بكيت خشيت كفين أمانى

الدكه القله اللمه الجاز

قرانى الشيخ الآيه

حفظت الدرس

شيعنى أبوى الغيط

الليل بيطول

ريابة جدى تفيض وتفصى وأنا مدروذ

لساها الناس هي الناس

والأتوبيس لساها بيدوس

٣ - الشيش مققول:

الليل بيشرنق نقط الضى حدود ملهاش جدران

تغيب وتبان

تشبح موج البحر تابوت

تتلقى العتمه نجوم بتعدى

هياها اللي بتسبق عجل الأتوبيس

وتموت.

دواير

○ متوارب الباب المريح ع الرصيف

قمره بتنزل من دموع الليل شبح

عيال دوامه تتحدف من شبكات الزحمة خمره

يشريها الصبي المهموم مع القهوه .. بيتسلطن

يدور البحر ويلفلف دماغ الدوخه للتوهمه

يتمزج فيتحول شيطان الضلمه كوتشينه

بتتفرق على الترابيزه واد ميت

الكومي طالع من نفير الفحم بيفرقع

دخان البورى تحويجه عجايز

عيال اللعب تنكمش ورا حيطان الخريف

وتدور دواير سوده
تقابلها البنات الليل بلعبة شقلبه
تدارى من بين الورق
حفنة عيال متكلفته بحضن الرصيف
- بنوته وقفت ع الورق
اتزحلت فاتعلقت بإيديها فى إيدين الولد
تقول له كلمه يقولها
حبة كلام متزوقين
كلمه بكلمه مع الدخان اتبخروا
ما قدرش يجمع زيهم

ولاهيه قدرت تحتمل جوع الرغيف
- بنوته شردت من شوارد شيبية الشايب ولد
لساه عفيف
- بنوته سقطت من قلق
وقع الولد
ادخرجت فوق الكراسى
زومة سكوت متخندقه
محدوفه من جوف الكلام وسط الزحام

●

القسم الثاني
خيالات ضل

مدد

○ أَلْفَيْنِ مدد

يا نَن عَيْنِ الْفَلاحين

البنائين

الشَّيالين

يا مُحَنِّدَقَه على قَد ما تَدْفِينِي

وَسَعَانَا بِتَساعِ الْخَلائِقِ والسَّنين

نَبْعِ المَواوِيلِ الصِّفا

تَمَلّا - على طَولِ المَدَد - قَلّةُ بَناتِ النِّجَعِ

وولادِ البَلَدِ

بحكايا ليل المومنين

المبسوطين

السهرانيين

غاية طلوع الفجر ما يجيبها عدد

مدد

يا ورد طاف ع الخد من طول المدد

حضن الغيطان عيّل

عيون المولودين نيلها

مشايخها

عيالها

الدنيا بسمه بختشي من ورد خدينها

الشمس خد النهار على توب جناينها

أحلام كتيرة العدد

تطرح بطول المدد

زينة الملاح الحليوه

عشقوها ولد البلاد.



البحر

١ - الحزن بيت الفرح

خد الهوا سلايه

منايا طيف إن سرح

ضحكتها جوايا

٢ - البحر شاطر

المدى واقف يناديني

وأنا كل ما أرمى الشراع

يبعد قصاد عيني

٣ - القلع عما يقول:

من فين يا موجه الشط

مجدافى داق التعب

والدفعه عودها انهد

٤ - البحر سف الشمس

36

دمع الغروب صبار

حمام بلادى البنى

فات الوليفه وطار

دمعة:

ليه يا بحر فارد ضلوعك

على المدى بدموعي

أنا اللي دنيتي كلمه

ونبض القلب موضوعي.

موال

○ الليل خيال النهار

الكلمه سنه وفرض

النذل ما يختشيش

البحر ما تعدلوش

قديش مشيت سكته

توهني ما عرفتلوش

في عيوني طول من عرض

عصفور جناحه انحنى

من كثر قولة: أنا
بيشد عوده النحيل
من ريشه ساعة يميل
غنوة دموع المطر
الشمس لما تغيب
بيصحى ليلنا القمر.

حاله

○ واقف ما بين الأصل والصوره

أدارى الشمس فى ضلك

عيون البحر تحدفنى لنجم بعيد يبصلى

ألا قينى بأبصلك

أقول لك خوف

من القمر اللى كاشش خوف

فى بطن الصوره

إن بهتت الكلمه على السبوره

ما تيكيش

وما تقوليش زمن درويش
بقاله سنين ضعيف رايع
طريق اللي يروح مايجيش
هناك فيه مركبه ضلت
فى عين الموج
جوانبها بتتطوح لتحت وفوق
على البحر
العصافير الملانه الريش
بتبنى جناح وبتترفف عشان ماتعيش

يغيب الشط جوايا
يشب الحاجب المطلق على هوايا
أنا دمعته في موج البحر يا خلى
بلاش تنسى الأمان خلك
أهم دراعيني دراعينك
بتروى الأرض من ضلك
أشوف الشمس باصه لى
ألاقينى ببص لك.

●

فلاح

○ مهددنى دوى فى نص الليل

ببهر جدران الغابه

وأنا لسه بخطف بشويش الخطوه

وارجع من تانى

أتخبأ خلف البوابه

فلاح بيصرخ فى الساحه يقول:

يا ليل حافضل صاحى

رغمك سواد الليل

فلاح . فلاح -
وقلبي يا تفاحه
جنبك بيشعر بالراحه
ويبدد الهم ويرتاح
اللى يقوله :
يا واد العم
الغابه مليانه دبابه
واللى تقول وكفاها الدم :

ارجع يا ولدى احنا غلابه
قام يرمى جلد الليل ع الأرض
يشيل عنيه بالطول والعرض
يقول:

يا ليل حافظل صاحي
رغمك سواد الليل فلاح

●

رجوع

○ زمان يا صاحبي

ساعة عين الصبح تصحا

الشجر يفرض ضلاله

الولاد بتروح ثقيل

بقى لما يطوله بلحه

كان بيفرح بالقليل

يوم ما كان الجد لعبه

والسرير الطوب حنين

زمااان

لما كان النهر نهر
والشرع الكهل عيّل
انت عارف ليه يا صحبى لما روح الفرد منا بتتخفق
بيقول:
زمان كان و.. كان؟
أيامها ماكانش فيه ع الأرض شوك
الدموع مالهش مكان
حتى الخوف - أيامها يا صاحبى - كان خوف حلو
خوف دافيان

عند ما يرمى الليل عفاريته
أجرى ضعيف مرجوف واتخبا
حدا دَوَّار جدى الوسعان
نَفْسَى الكريان يلقط ريقه
النور يسكن قلبى أمان
زمان يا صاحبي كان وكان.

●

طبلية العيله

○ هامش:

وسط الغيوم الشمس إيد إتمدت

تفرش رمال الصحرا ضليله

توصل حدود الأرض بالعيله

(١)

العش قلب الغيطان مادد ضلال الحب فى عروق الصغار

والأم عم تسقيهم

من نبع أحلام الطفوله البكر موال

(٢)

طبلية العيله فرشت حصير الود فى قلوب الولاد

والأرض جنة اتلونت

لون الورود الحمر فى خدود البنات

54

(٣)

الشمس غطست فى المدى البهتان

والليل خيوط اتجمعت غريان

(٤)

الأم تاهت والولاد اتبعثروا
والأرض ليل اتدفنت فيه النجوم

(٥)

اصفر وش الليل
العمّة شردت تتخفس خلف القنا
لحظة بزوغ الفجر فى عيون السما

(٦)

الشمس فوق الأرض رجعت تبتسم
وتشقى بطن الغيمه بفروع النبات.



شوكه

○ لقيت شوكه بتتمشى فى حصن الليل

تقيد وتدوس وتتعمش بكل جميل

عنيها رغبة مدرايه تدرى عزيمة

بكلمة خبث بروايه بغنوه لليمه

ناديت:

يا شوكه فين رايعه وجايه منين؟

بترمي جراح وعين سايعه على الخدين

جريت ويسرعه قدامها جمعت الموجه ع الموجه

حكيت ويظلم جوهرها دمت في مر نار عوجه

- لسان قال: لأ، واجب خطه . لازم نوضعها

وتانى راح دابب دبه في غير موضعها

تاھت في الضياع كلمه

باتت في الصلوع همہ

ضاعت في الرياح نجمه

ودابت في العيون ضلمه

مشيت بطموح يتوهني في وسط وحوش

إيد الخوف تدويني في عين مرعوش

صرخت وقلت يا عالم روح الشوكه في عنيه

سابت في الضلمه سوط ظالم بيرمي المر حواليه

أب الشوكه دي علقم وابن سهامه تهرينه

وأم يقسوه ما ترحم في وسط النار بترمينه

وروح الشوكه دى زنه

ورانا تجرح الأيام

تشوفها عيون وتسمعها

ودانك تكره الأحلام.

●

عتاب

○ ليه يا ضلى بتنسى تمللى

فوق تيه الأوهام بتدور

ليه بتخلّى الحلم يثور

جوه العين وينام مذعور

فاكر يوم ساعة مامشينا

فى حصن ربيع على شط أمان

فاكر غنوة قلب لمستها

قبل ما تسقط فى الأحلام

وقعدت في توبها الأخضر تحكى وتتغزل .. يا سلام

ليه ما فاكروش ضحكة حب ضحكها النيل

ليه ما فاكروش الموجه النايه في خد حزين

يوم ما غويت الغربه ورحت تبغزق فيها

تقوم وتحط وتلقى عيون الدمع ماليا

ليه ما فاكروش فرحة فرحها نسيم الصيف

لما دوالك قلب عليل

نجمه ندهها ربيع الريف

قامت تلصم ضى الليل

قول للساقية قول للمجره

قول لزهور الأرض الخضره

قول لنجوم الليل والمطره

أنا شوقى بتمرغ فيه

قول لسحابه حزن تغمض عن قلبى يوم ما تعديه

قول لرياح الضهر تهدى فوق ننى العين وتغطيه

حتلاقي عيون عما تلالى

تدخل جوه الليل طوالى
تشبك ورد فى عنقود لولى
نقول لخيوط الغدر: فتونى..
فتونى.. فتونى.

●

بحبك يا حبيبتى

○ بحبك يا حبيبتى

من شوقى قلبى طار

يضلل ع المبانى

يعشش فى الغيطان

بحبك شمس صافيه

نجوم مالهاش حدود

تصحصح رمش نايم

تطبطب ع الخدود

بحبك وانت قمره
بتخلّى القلب شاعر
بحبك حلم فينا
بيولد في المشاعر
أسمع صوتك يلالى
أندّه بحنين:
تعالى
لكن بدموع حزين

الليل ينعس في ليلي
ويخلف ليل طويل
وبدال ما يورhani
بيداري القمره تاني
يبعدني عن المدار
بحبك يا حبيبتى
من شوقي قلبى طار

بكره

○ بادور يا صاحبي

عن بكره القريب

عساها في مره جراحی تطيب

...

تمس القوافي كتافي

أنا ابن السبيل الصافي

الخلوه تقول لي: عوافي

تلاقيني طراوه وطيب

...

تحدف لى السما جنيّه

حدوته وقنايه وميه

وعالم عجيب

...

70

البحر برحابه وجد

من قلبه الإيدين تتمد

للقمره تغيب

...

بادور يا صاحبى
عن بكره القريب

الشيخ

○ وأنا ماشى حزين جنب الزرع

فى يوم م الأيام

سمعت كلام عمال يدخل جوايا أمان

- يا علیم بالحال خُذنى فى ضلّك

عبدك غلبان

قرّبت خفيف حفيان منه

ولقيت إنسان

عِشْنى خيال طوله وعرضه

قد الأيام
لا سألتى ولا حتى سألته
وكأنه ملاك
وأنا كل ما أحاول أنده له
يبعد لهنالك
من يومها وساعة ما اتحدث
والخوف جواى
ألاقيه بيردد فى كيانى
من صوت قوائى وأحيانى وملانى إيمان

يا علیم بالحال خدنی فـ ضلّک
عبدک غلبان
وأنا ماشی حزين جنب الزرعہ
فی يوم م الأيام

●

إدینى

○ إدینى قلبك یدارینى

قلبی اللى عطشان یا صبیہ

محتاج عیونك تسقینى

...

إدینى توتہ وحدوتہ

ترقص لى بنوتہ ودوده

وأنا فوق کفوفها المفروده

أحلم وهى تصحینى

...

إدبنى ميعاد فى الخلا
أبعد من الليل يا جلا
من وإحنا جوّه المريلا
عاشق وحضنك يواسينى

78

...

إدبنى روح
ماطرح ما أروح

دنیا یا بوح

ودموعك اللى ف مندیلی

...

إدینی حزن

إدینی فرح

إدینی غنوة مواویلی

...

قلبي اللى عطشان يا صبيّه
محتاج عيونك تسقيني

●

القسم الثالث
صور مستخبية

81

خجل التوت

سلوی

○ صور ..

وشبابيك كتير

طالعه تبص على الميدان

ووشوش ملايكة بتتبدل

لكن العجيب

الصوره دى

إشمعنه يعنى الصوره دى بالذات ؟!

البننت دى

إشمعنه يعنى البنت دى بالذات ؟!

الوش زى ما هوّه

عيونها النيل

ونظرتها الونس

بتصحى موج البحر

زى زمان

حكاية

○ راجل نحيف مختفى داخل هدم عفریت

خش النجوم باللیل بیفرق الحادیت

طقر علی البوابه

صرخ وقال: یا أمای

فینک وفین آیام من ضحکک جودی

أرمح أفوق وأناام

بالفرحه فی عروقی

فینک نجوم الکرم

للبحر مفروشه

زومة سكوت كدابه

صَهْرُ اللّيلالى ديايه نبيانها مغروزه

أماى:

عقول الغنم فى قرونها ليه محبوسه؟

سمع الكلام من جوّه الأم والولادات

ازدروا جوّه الحيطه

اتكشوا فى الخلقات

ساعة ما قالوا: أبونا؟!

قالت: دا مات يا ولاد

بنا عوده ع الدكّه

زقق بحرقه وقال:

فاكراش يا أمه الغاره .. زغيقه الدانه

تمرق واقعد أبكى ع الدكّه ديّه أنا

أشوف فى ركن العتمه عفريت فلان وفلانه

أرمح أقع واتحط من جوه دراعاتك

أمسح دموع الخوف
يا أمائ في خلقائك
كبرت ويا النخل
كفوفك البيضاء
وفي يوم هجم ع البيت
صوت دريكة.. زيطة.
طلعت أقول:
إيه جري؟

خدتني رعدة خوف

بلسان وايد ترتعش

وعيون عادتش تشوف

قبلن ما اخش الدار مع شيخ فلان وفلان

دخلت قلب الحجر على رعد صوت الدان

ركبت خف الجمل لقيتني وحديّه

الريح بألف دراع درعائي ملويه

وقعت ماع الخبر من جيفه مهرية
ع الشمس اسمى انتشر مع ديب وحريايه
بقيت أنا عفريت القوله والغايه
بيكش منه الناس
ولادى يا أمايه .

أبوزيد

○ أبوزيد في مره صحى

مسك الفانوس مالفيش

غير قلب داب واتبرى

من لمة الخفافيش

راح يملأ قعب الميه

لقى عنكبوت فى الزير

ديدان وجيفه طريه

صف نمل طويل

ساعة عترع الباب
ضى القمر ادارى
مالقيش نفس ولا ناس
العتمه مالىه الحاره
قام يسند على سيفه
فركه الصدا
فلاه
قال: فين زمانه فينى

خَدَّ ضَى عَيْنِی مَعَاه
أَبُو زَيْدٍ قَلْعَ جَلَابِيْتَه
اتَهْدُ حَيْلَه مَال
عَلَى دِكَّةٍ خُورٍ مَشْقُوقَه
قَالَ: بُكْرَه يَبْجِي بِجُودَه
الْعَتَمَه دِي تَنْشَال

هناك ع الشط

○ هناك ع الشط بنوته

عيون الشمس ياا عندها

تنادى لى برمش العين

وأنا بالموج أناديها

تقدم لى الحياه غنوه

بشوق قلبى يغنيها

...

إيدين القمره بإيدينا

نقوم نستعطف المطره

يايد راح تبتدى بشجره

وايد تصنع غداوينا

يرقصنى الخيال غيه

أنا وحببيتى جنيه

تدفينى وأدفيها

...

هناك ع الشط بنوته

عيون الشمس ياااا عندها
بساط أخضر ونيل صافى
نهار مسنود على كتافى
لا هوناييم
ولا نايمه غناريها
هناك ع الشط بنوته
عيون الشمس ياااا عندها

●

هنا ع الموج

○ هنا ع الموج أنا عيل

.مانيش ملاح

فى يوم عديت مع الميه

خدتنى النار

بموجه تشدها موجه

وجته يهدا التيار

...

بايد صوره وقصقوصه

شعاع لا بد في وسط الموج
جريت أجمع نجوم زايغه
بعين ع الجيف تبص لفوق
بحقة حبل مرميه وحلاوة روح
طلعت الجيف على ايديه
لقبت ع البعد ضيايه
رجع نبض النفس ليه
...

مشيت ع الضى طوالى
لقيت قصر ف جبل عالى
حارس ماشى بالمقلوب
عليه سَلَمَت مارِش
دخلت أخطى وسط شقوق
على الجانبين شجر ميت
عيدان داييه ورق محروق
كانت أيام

غواها البحر
خدها وراح
هنا ع الموج
أنا عيل
مانيش ملاح

ست الحسن

○ يا ست الحسن أنا عيک

يعشق دنيته نيلک

أنا بحار ومجدافى

بلون الخضره فى طريقك

قعدت لحد نص الليل

أناجى طيفك الأخضر

أسمع همس صوت الطير

أحبب في التراب لاسمر

قعدت مع الشجر مندبل

أعطى الورد بعنبا

أرمح ويا موج النيل

أنادى على النجوم ديه

...

يا ست الحسن

أنا في الجو طير جايك

ويوم حايحط على خدك

يصفر ريشه بصفافيرك

يغرس ريشه بين رمشك

يناجي رجة الميه

يفرش تحت رجلك

غزاله وزهره ملاليه

أصحي أنادي وسط الغيم وأنا طائر

فين هيّه؟

...

مشيت في الضلمه صهر عليل

ماعرفتش لفين رايح

عيوني طريق بيتمدد قصاد الريح

عرق رايح

وأنا تايه فى أحلامى
أروح وأرجع لها تانى
يا ست الحسن فىن انت؟
فىن أحلام لياليه؟!
فىن الضله يوم الشوب؟!
وسهرايه فى شتويه
وحشنى فى الضلام ضيه

مركب راسى فى الميه

بيوصف للنجوم جودك

ويحكى للهوى فى.

...

يا ست الحسن يا آيه

يا سهرايه وضلايه

يا روح سرحانه ويايا

يا شمس البرد في صفاها
هواك النور في قلب حزين
وأنا سايح في دنياها
لمين غيرك تفيض العين
وتبكي الغريه لبكاها
...
يا ست الحسن طير عطشان

وجاى یرکع على ترايك

ملوم حيران

بيغى الرحمه فـ اعتابك

أغيب وارجع قريب تانى

وأحضن ليلي جنيّه

أرمح ويا موج النيل

أنادى على النجوم ديّه

الشاطر حسن

○ يوم ما ست الحسن تاهت

بكيت .. الجده رقت

زعلان ويتبكي ليه؟

إزاي ما أبكيش يا جدّه؟

القمر الصافي زايغ في العتمه ومش لاقيه

سكنت وقالت لى: فوق

وأنا كنت ف موجه شاردّه متعلق بالنجوم

تندّه لى أقول: يا مين

يجرى يفوق حبيبها

ويقول له: يا غافى قوم
يركب على ظهر غيمه بتصحى الذكريات
يدغدغ المخدّه ويبروز اللى فات
لو أن البحر يطلع بالموج جوا الشطوط
يلفلف الموانى ويونس البيوت
زغدتنى بلين وحدّه
عشتكو دى يا ولدى
أحلام هجر ومودّه
عقولكو دى يا ولدى

محتاجه ألف شدة
قلت لها: واه يا جدّه
إن كان اللوم علينا
انتِ اللي عملتِ ده ده
من يوم ما بقيتِ صوره
محرومه من الإحساس
شايف فى عنبك جدى
تمثال جوا القزاز
تقولى خيال يا جدّه

ولادك عقمه فينا
الضى لما يحبى
بشويس يسأل علينا
يقطع حتّه حتّه
وتقولى خيال يا جدّه
بحلم والليل حزين
يوم ما الشاطر حسن
اتكعبل فى الدليل
شريط أبيض منور

من فستانها الجميل

شاف دقات الطرمبه

مخنوقه فى الليالى

حواليها سامبا رومبا وشناكل كعب على

ساعتها اتهد هدّه

عقله خد وودّى

حتى الشعر المسبب

بقى عش للقنّافد

القلب الصافى لابيض

بقى سهم فى صدرى نافد
قعد ع الجيف يغنى
مشغول البال عليل
كل ما يلمح سحابه
يرجع يندّه عليها
يسألها عن الدليل

القسم الرابع
تجلیات الحاوی

التجلى الأول

○ يا لطيف

الهاوى لساه ع الرصيف

بيكبر بعصايته الخوف تخاريف

يبص من قلب الحجاره عزارى

يبص من قلب العزارى الريف

لساه بيسرح فى الخلا

بيغنى لحن الجلجلا

جلا جلا

يا هل ترى
لسه الولد مسحور؟
لساها البننت مرصوده ف حجر؟
يا هل ترى
شجر الشتا مسكون؟
ولا البراق ناوى
عافف و غاوى المريلا
جلا جلا

التجلى الثانى

○ - جلا جلا

عفريت إنسان

شجر الشتا مسكون

يصقع يكش وينفرط

ورق الخريف عيل نحيف

غنيوته كلمه بتتنفض جوا الودان

- جلال جلا

عفريت إنسان

جيان بتخاف والمرسح مليون

أمال لو كنت لوحدهك

- مش مش خايف هو أنا عبيط

- هاااااا

عفاريت ويتطلع م التوابيت

- بس خلاص كفاكو حديث

القاعد يزحف لزميله من غير تخبيط

- قولى يا عم:

مين الحاوى فى دول؟
اللى بيَطَوِّح فى الصوره
ولا اللى على يمين المسرح
بيدَوِّر حوالين القبة الناس
- بص معايا على البرواز
الحاوى بيلف ما خلاش
مع كل حنينه أهو خش عيون الولد الخام بيعنى له:
جلا جلا،

يا هل ترى شجر الشتاء مسكون

ولا البراق ناوى؟

عافف وغازى

يمرق يكن

درويش وجن

يلبد بفرو اللوف دفوف

يرمح لآخر الخوف

يئناااام

- اتلفت حوالبك

الناس كلها سرحانه ونايمه فى عين الجن

علشان ما حكاوى الحاوى خيال شايف

- يا سلام!

القصر على.. ملوك موالى . الريح ملاك

الشجره بتخلف ممالك

السما للأرض بتندى البنات

يا سلام... يا ...!!

- يا عم .. يا عم

ليه بتستهيفنى؟

كل ما باستفسر عن حاجه

مع انك مش ع المرسح ويا الحاوى

لكنك أقرب للخلق وأقرب لى

- الحاوى حايبدا لعبته من تانى

- برضك بتغطى على كلامى

- كفياك .. بَصْ هناك

الولد الفاطت من عب الحاوى
كل ما بيخطى الهيش
يظهر ع الجيف سيدنا الدرويش
طايف فى الخلا
- الحاوى انجلى
جلا جلا
- السما بتطاطى
تطاطى
تتالام

أبو الهول يتمطع جواً العين عريان
يتقلص لكن مش قادر
رغم ان العنب الطايب طيب.. الحلم غريب .
البننت القمره .. الواد يلمسها
تُكَبُّ البحر في صدرها وتغيب

●

تغريب

○ جراب الحاروى الماك

الولد المالك والمملوك

عيونه جدائل جمر

البنت البوق بتطل بعيد

ويتحدف من كم الجلابيه الدنيا نشيد

- يا اللى الكون فى عيونك عيد

فتولنى فتاول حنه

أفرك كفينى بكفينك جنه

نسرني نساير مفتوله على ضلوعك مجداف

• استلنى

نفسى أشوفك مش فى الحلم ولو مره

أهّمّا اكثافى انكى عليهم وانتصبى

رغم ان البحر سلبى دماغى

قلبى بيقدر يتحمل عشقك

النيل مش غاوى عروسة مولد ممسوخه

عصاية الساحر كبرياج

مش قادر أفرك عيني ولا قادر أغمضها

البحر فى صدرى حزين

بيسقى الخوف جوايا

اتمددى ف عيوني

كونى النهر

الخلق

الدنيا

يمكن يفلتنى البحر أعود أو أموت

- بص لكف الساحر

حاول تتذكر

وش القمره الطالع من الفصنه تود النيل

وأنا وانتَ الوليفين
أجرى أساع الكون
وانتَ تميل على شعري وتتوصنا
- مش فأكبر شيء
ماتلخبطنيش
حافى وحفيايه الأيام م الصلّة
لا أنا شايف القمره ولا شايف النيل
يا ريتنى ما كنت نعست الليل ولا شفتك
- بكفايه حديث

شَفَّائَتِكَ جَرَحَتْنِي
مَشَ إِنْتَ الَّلِي عَشَقْتِكَ
وَلَا دَا الْوَشَ الَّلِي عَرَفْتَ الْأَحْلَامَ فِيهِ بِتَعِيشِ الْجَايِ وَالذَّكْرَى
أَقُولِي:
يَا بَتَ سَبِيهِ فِي الْهَوِ
لَكِنْ شَيْءٌ جَوَايَ يَحْدِفْنِي مِنَ النَّيْلِ لِلشُّطِ
أَنْتَظِرُكَ.
- دُورَانُ الْبَحْرِ صَبَغْنِي
دُوخْنِي فَ نَوْمِي

فطس منى الليل فى الليل
فلتنى با عافر ضد الموج عميان
عايزانى أصدق قلبى!
ازاى؟

- مقل فى عيونى

دقق فى النيل

134

مش دا الوش اللى عرفتني بيه فى الحلم
مش دا القطر اللى شبط فى هدومه رجال الكفر ونساوينه
كل ما يبهت فى الزرع

أبكي اتكشكش في الجلابية
وانت تططب على كتفي وتنغمي عنيه
- نظري خلاص بقي على قدي
وشك باهت في عيوني
التجاعيد المره اتبدرت في لساني سكات
والله ما عارف؟
إن كنت صحيح اللي رأيتك في الحلم زمان
ولا دي لعبة ساحر ملعون
لساه مقيدني لسحره صنم

●

تشخيص

○ الحاوى الطالع من القمم جن

بيحرك كل شخوص المشهد

الشجر المسكون

الضئ المطلق للريح

يهز الرؤيه الواد يتخض

يفيب ويبان وسط الدخان مجنون

- أنفخ كرشك

اشتكى للخلا عيل

أرفس من ع الأرض العفاريت

اتقصى طيقان الليل
النخلة اللى بتغطس فى الرمل
إنزع إيدك من عبك
أثبث بيها
مره كفوفك تغلبها
مرة بتغلب هي عروفاك
تتساقط للميه نابوت
مخنوق -
مش قادر أتنفس مطر

ولا قادر اتفرقُ تراب
الشجر المسكون الغراب
بيحسنى بالونس
اللمه وطبطبة البيوت
بيحسونى بالاكتئاب

- مدد بصرك

سقف للحاوى

كل ما تتعب ميل على كتفى ونام

رؤيه تشوفنى تشاش

رؤيه باطير من حجر ك عيل
إصحي بسرعه
انفض حجر ك للريح وما تسألنيش
- اطلع من ودني
فوتني اخترف بمزاج
تسرح بيّه الجنّه اللي بقترقص مسخ
اتلفت للحاوي يطوف
وأنا باطلع م الباب اللي ما بينا عجوز خرفان
ضهرى المحنى برئ من تجاعيد الأرض

- زعلان انى باصارحك

زعلان!

انت صحيح لسه صغير

لكن جواك دوريش

بتشوف الدنيا بعينه

حاول تهرب منى

انزع جلدك

هاتشوفنى بمية وش

مش حتقدر تفصلنى عن الحاوى

كل ما تتطلب منى أحطك فى الجراب
حاقولك: لأ
وانت حاتكر نفس الشيد:
- ما بقتش طابق أشوف حبيبتى منجلا
ولا طابق أرمح فى الوجود من غير لجام

●

صدى

○ - الليل يجيب ويردى الموت

لما أنتَ بتسمع نذب النمل وحديث الغربان

ليه ما انتاش عارف تتطاول للنخل؟

ما انتاش عارف تتدلدل للخوف برغوت

- ما تنغيش ف صدرى

الجرح فى ضهري غويط

كل ما أفلص جسمى وأقب

أدوخ

بصّرني

أدلل رجلي رماد

ولا اتعلق بجبال الخلا عفريت

ـ لفلج جرحك

اتصبر

إغرس إيدك في الرمل

أنصب عودك

فتش في «الأفرول»

شوف دم أخوك المتفرق جَوَاك

- يوووه

العتمه هلاك

حاس كَأْنِي الشبح المفصوله دماغه عن الجسم

كل ما ادور في جيوب الجته عن الاسم

يتوه عنواني ف تجاعيد الصحرا

- خد كفي

يلا ندور مع بعض عن البصايه اللي نقيد بها الليل

خجل النوت

ونعدى

- رايحين على فين؟

- مش عارف

- ليه بتداير وشك كل ما بخلع وشى على وشوش الناس

- إيسأل قلبك يهديك

146

أمى اللي طلعت بينا

فلتتنا على الريح أشباح

نتقابل ف عبوب الأرض

ومع حُرقة أوجاعها نطيب

- اهدأ وفهمنى

ريح جسمك ع الرمل

أترحرح

ما تبقاش جبان

جعان؟

طلع لقمه وكلها

- مخلتي فاضيه

الحرب ما خلّش ف حجتى شىء

- مش فاكرنى؟

- مش فاكّر

- أنا أخوك

- أخوى؟

- أيوه أخوك

أخوك اللى فاطت من صدرك

لجل ما ترهيه الريح للهو

- الليل وتلال الرمل

الدان اللى مفرق بين كتفى وكتفك

لساها الصوره فى نومك

أحلام مكسوره

- ما بقتش النيل، ولا عدت أنا عيل بييمك

على قلته عطشان يسقيه

مع كده مش واعى

أنا ليه كل ما برفع سنكى سلاحى فى وشك
يتجمد فى عروقى الدم واللين
ليه؟

●

العُرس

○ الصورة بتسقط من كف الحاوي المخمور مهزوزه

لا النيل المتحنى عريس

ولا قلق الموجه المرصوده عروسه

- قريّ قدامى

الضوء ممدود والصوت عالى

سمعانى؟

- سمعاك

المنظر واضح

الكاميرا بتتسلط ع البنت وهى بتتجهز للعرس
.. أمانى..

صفقى شعرى زوقى فستانى
زفنى لموتى ما ترتعش.

- (بشويش يا جماعة... بشويس....)

- يا حبيبتي يا بنتى قلبى معاك

آه لو كنت انفع ياخدونى فداك

(الحاوى بيضيق ويوسع فى البرواز على قد ما يديه الناس

تمتّعيف)

- يا الله

مرّه بيشرب من عطش البنت الواد

ومرّه البنت بتشرب من عطش النيل

- مسكين يا شاطر حسن مسكين

شجرتك ماعدتش بتطرح

انت ليه كل ماتتجمد رقصات العرس بتفرح؟

- مسكينه يا ست الحسن

الشاطر متكفف وانتِ حقيقه بتتاخذ للموت قربان

- حزنان؟

- زى ما زعلانه انتِ عليها

هات إيدك

تعالى نقول للحاوى يزهى الصورة شويه

- فوتنى أخش البرواز للنيل لأ

للحاوى لأ

لل...

- أنا حافصل بين النيل والحاوى بدمى

- أنا حاجرى اتلفح بين درعاتك وأموت وياك

- حابك

- حاباك

- مش قادر اتصل منك

- مش قادره أعيش معصوبة العين استناك

- دخان الصاله خنقنى

- افتحى الشباك اللى جارك

ركزى ع المنظر.. فضى ودانك

- سامعه وباصه بعينى الاتنين

يا ترى حاتخدنى الصوره لفين؟

لفين؟

- طبول الشووم بتدق

156

أهالى الكفر بتتلفف حولين الحارى

حولين ست الحسن اللى بتظهر من وشها لاصفر

مرعوبه

(توبه إن كنت آجى معاك المرسح تانى)

- يا حول الله.. أنا حاسه بكريها قوى

حاسه إن أنا هياها وانت هناالك...

مش قادره أروح لك

لاجل ما أميل على صدرك وابكى

- انت بتتنفضى

- انت بتتجمد

- هات إيدك

- مش شيفاك

- خايغه ؟

- رجلينى اتسمروا

- أنا برّضك خايغ

لسای بحزن اما عيونك بتدمع

خدی مندیلی

امسحی دمعك واداری فی باطی

- معلهش

خذني على قد سجيتي
قيس صدر النيل المتحنى لى وغنى
ساعة ما تشوف الدمعه فى عينى
قول:

159

مسكينه يا ست الحسن
حاشوفنى عيونك مشوار
فى عيون كل بنات الكفر المساكين القاعدين ع الشط
يصلوا لى

وانتَ على الشط الثاني بتبعك بصرك

وترووح

•

التجلى قبل الأخير

○ الحاوى تجلاً

مره بيدخل قفطان الدرويش يدارى

مره بيطلع على وش الشط يطيط

مره مخاوى ومره عبيط

الناس بهتانه

وهو يزعق بعصايته السحريه

وييسحب من صدر النيل الشاطر حسن

بعد ثوان المرسح هاج

الصالة ما فيهاش غير بس الولد والبنت

هى بتبكى وهو بيديها المنديل

- زوم من غير ما تطلع صوت

الحيطان ليها ودان

- موت يا جبان

162

ياما خلق كثير طاطوا البولہ وقبّلوا لقدام

مابقىش من دمعهم الأزرق غير عفرة سيره

- (المرسح ملان آلاتيه

البيع الدريش لاتنين المجانين والحراميه)

- كل الخلق بقدره قادر

إتحولوا لشخوص حجرية بتطوح ع الفاضى

أنا مذهبول

- أنا مش فاهمه إيه اللي بيجرى

- بقولك إيه.. أنا دوخت خلاص

قومى بينا نفوت م الفتحة القدامانيه

(اللى على شمال الحاوى هناك مزنوق جواها الناس)

إتسمرتي ليه.. يالّه

- بص.. شوف الواد المطموس العين الطالع من كم الحاوى
بيتنطط

- (توت توت

يا سحتوت

قول للشاطر أوعا تفوت

الحاوى ماهواش الحاوى

وخيششبان مابقيش هلفوت

توت توت

ت

و

و

(ت

- داجای نواحینا

- شایفنا إزای!!

إدارى ورا الكرسى العالى

ولا أقولك تعالى نهرب من الباب الورانى..

تعالى..
المرشح ضلّم بالكامل
إلا من بقعة دخان طالع منها الواد والبنت
اللى بياحدوا أنفسهم ع الصخره
ويعاودوا الجرى بسرعه حولين المشاخيص....
ساعة ما بيلمحوا شبح الحاوى وراهم بيردد...

توت

توت

التجلى الأخير

○ ولد نحيف

متحجر على كرسى فى قهوه أثرية

طالع على جبينه

اثنين وثلاثين سنة ميّتين

يا هل ترى

الولد ميت زيهم ؟

ولا ؟

يا هل ترى

التمثال الحجر

هاتسرى فيه الحياه ؟

ولا ؟

الناس سمعت بداية الحكايه

رجعت تتعلم حوالين الحاوى

شاورلهم :

إتأملوا الصوره

جسم الولد متجمد

ودمعه وحيدہ فی علیہ
بتصر ديماً تبص هناك
على تمثال نفر تيتى
اللى قدام المقام ...

...

مرت الأيام
لا التمثال نطق
ولا هو صمم يتحرر

الهاوى حب يغير الموقف

عزم بكل قوه

شق بعصايته الريح

وقال : جلا

جلجل يا نيل

يادوب ثوانى

رق الحجر

وطلع من التمثال

بنوته زى الملاك الجميل

مشيت عليه

قرّيت منه

مسحت دموعه

وحضنت ايديها ايديه

حس بروح الأمان

بتدب جواه

صرخ بكل ما عنده

وقال : الله ..

قبل ما يكمل كلامه

الهاوى قطع عليه

قاله : بتنطق ليه ؟!

مش قولتلك أسكت

خالفت ليه العهد

عمرك ما حاتشوفها تانى

وبسرعة الريح

الهاوى ركب البراق

عزّم وكبّر.. وقام

رجعها للتمثال

بس الحاجه الوحيده

اللى ماقدرش الحاورى ياخدما

نظرة عليها


اللى فضلت للولد سلوى

تفكره بزمان

وهو بيبيص باستمرار هناك

على مثال نغزيتى
الى قدام المقام
فى انتظار رجعتها
خايف ينطق بكلمه
لحسن نصيغ للأبد
الحاوى الى قدم للناس
حكاوى كثير متكرره
وصمم ما ينهيش المشهد
غير لما يقدم شكل جديد

وروح جديده
بعد ما خلص
رمى جرابه عليهم
وبص لبعيد
عند نقطة الضوء البعيد
جوه الصلّام الوسيع
ومشي



الفهرس

الموضوع	الصفحة	الموضوع	الصفحة
الإهداء.....	٣	الشيخ.....	٧٣
القسم الأول		إدنى.....	٧٧
دواير.....	٧	القسم الثالث	
المشربية.....	٩	صور مستخفية.....	٨١
النخلة.....	١١	سلوى.....	٨٣
الليل.....	١٣	حكاية.....	٨٥
تراثيل.....	١٧	أبو زيد.....	٩١
دواير.....	٢٥	هناك ع الشط.....	٩٥
القسم الثاني		هناك ع الموج.....	٩٩
خيالات ضل.....	٢٩	ست الحسن.....	١٠٣
مند.....	٣١	الشاطر حسن.....	١١١
البحر.....	٣٥	القسم الرابع	
موال.....	٣٩	تجليات الحاوى.....	١١٧
حاله.....	٤١	التجلى الأول.....	١١٩
فلاح.....	٤٥	التجلى الثاني.....	١٢١
رجوع.....	٤٩	تغريب.....	١٢٩
طباية العيلة.....	٥٣	تشخيص.....	١٣٧
شوكه.....	٥٧	صدى.....	١٤٣
عتاب.....	٦١	العرس.....	١٥١
بحبك يا حبيبى.....	٦٥	التجلى قبل الأخير.....	١٦١
يكره.....	٦٩	التجلى الأخير.....	١٦٧

رقم الإيداع بدار الكتب ١٩٩٩/٧٨٠٩

I.S.B.N 977 - 01 - 6134 - 9